



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel. (032) 878-877

fax (032) 879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-1.05-2810/25

Datum:18.07.2025. godine

Na osnovu člana 69. stav 1. tačka b) i stav 3., a u vezi sa članom 70. stav 4. Zakona o javnim nabavkama BiH („Službeni glasnik BiH“, broj 39/14, 59/22 i 50/24), te člana 38. Statuta JU «Dom zdravlja» Zavidovići, Upravni odbor JU «Dom zdravlja» Zavidovići, na svojoj 14. sjednici održanoj dana 18.07.2025. godine, donosi

ODLUKU

o poništenju postupka javne nabavke zdravstvenih usluga

Član 1.

PONIŠTAVA se postupak javne nabavke, broj: 638-9-2-1-22-62/25 od 14.04.2025. godine, za nabavku zdravstvenih usluga – usluga za zdravstveno osigurana lica sa područja grada Zavidovići iz specijalističko-konsultativne zdravstvene zaštite, zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Član 2.

Donošenjem ove odluke stavlja se van snage Odluka o izboru najpovoljnijeg ponuđača za nabavku zdravstvenih usluga, broj: 01-2.16-1801/25 od 29.04.2025. godine.

Član 3.

Ova odluka stupa na snagu danom donošenja.

Obrazloženje

Obavještenjem o nabavci br. 638-9-2-1-22-62/25 koje je objavljeno na portalu javnih nabavki dana 14.04.2024. godine, objavljen je postupak javne nabavke zdravstvenih usluga, putem postupka dodjele ugovora o uslugama iz Aneksa II Zakona o javnim nabavkama.

Dokumentaciju Javnog poziva za predmetnu nabavku, sa portala javnih nabavki preuzelo je 6 ponuđača i to: JU KANTONALNA BOLNICA ZENICA, BBS EUROPE, INNOVI D.O.O., PZU MEDICOM, DOM ZDRAVLJA SA STACIONAROM ŽEPČE, PZU DIJAGNOSTIKA DR.DEDIĆ.

Na adresu JU "Dom zdravlja" Zavidovići, za nabavku zdravstvenih usluga dostavljena je jedna ponuda i to: JU KANTONALNA BOLNICA ZENICA.

Nakon pregleda dostavljene dokumentacije Komisija za javne nabavke utvrdila je da ponuda odgovara uslovima iz Javnog poziva, odnosno da je prihvatljiva ponuda.

Cijeneći pravilnost provedenog postupka javne nabavke zdravstvenih usluga, putem postupka dodjele ugovora o uslugama iz Aneksa II Zakona o javnim nabavkama, Upravni odbor JU "Dom zdravlja" Zavidovići na osnovu člana 38. Statuta JU "Dom zdravlja" Zavidovići, člana 70. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14, 59/22 i 50/24), a u vezi sa članom 4. Pravilnika o postupku dodjele ugovora o uslugama iz Aneksa II Zakona o javnim nabavkama („Službeni glasnik BiH“, broj: 2/23), na svojoj 8. sjednici održanoj dana 29.04.2025. godine, donio je Odluku o izboru najpovoljnijeg ponuđača za nabavku zdravstvenih usluga kojom se Ugovor o nabavci zdravstvenih usluga – usluga za zdravstveno osigurana lica sa područja grada Zavidovići iz specijalističko-konsultativne zdravstvene zaštite i to: -za oblast ginekologije i akušerstva i pneumoftiziologije poslije 15:00 sati radnim danom, kao i u dane vikenda i na dan praznika, i -iz oblasti pedijatrije i školske medicine u periodu od 19:00-07:00 satiradnim danom, kao i u dane vikenda i na dan praznika, dodjeljuje se ponuđaču JU Kantonalnoj bolnici Zenica.

Dana 02.06.2025. godine, ponuđač JU Kantonalna bolnica Zenica, putem pošte, vratio je sva četiri primjerka Ugovora o nabavci, uz primjedbu da se članu 3. stav 1. dostavljenog ugovora obavezuje Bolnica da će Domu zdravlja dostavljati mjesečni izvještaj o izvršenim zdravstvenim uslugama, što nije propisano javnim pozivom, a budući da se radi o ugovoranju "paušala", a ne o pojedinačnom plaćanju usluga, Bolnica nije dužna dostavljati bilo kakve izvještaje o broju usluga.

Dalje je navedeno da bolnica statističke izvještaje koji su propisani zakonskim i podzakonskim aktima dostavlja Institutu za zdravlje i sigurnost hrane Zenica. I na kraju stavljena je primjedba što je članu 3. stav 2. dostavljenog ugovora navedeno da Dom zdravlja može zatražiti i dodatne akte vezano za provedbu ovog Ugovora, što po mišljenju JU Kantonalna bolnica Zenica nije u skladu sa Javnim pozivom.

JU Dom zdravlja Zavidovići je, 11.6.2025.godine uz dopis br. 01-2.08-2342/25, ponovo JU Kantonalna bolnica Zenica dostavila na potpis Ugovor o nabavci zdravstvenih usluga, uz obrazloženje da, kao javna ustanova koja je bila predmet revizije od strane Ureda za reviziju institucija u Federaciji Bosne i Hercegovine, u svom radu primjenjuje preporuke revizora, po kojoj preporuci se traži da se za svaku isplatu po ugovorima za pružanje usluga ili radova, imati izvještaj o pruženim uslugama ili izvršenim radovima.

Forma i sadržaj izvještaja nije propisana, te da Domu zdravlja, kao drugoj ugovornoj strani, odgovara tekstualni izvještaj u kojem će biti navedeno, da je bolnica bila na raspolaganju i pružala specijalističke usluge osiguranicima Grada Zavidovići za period na koji se odnosi faktura.

Također je pojašnjeno, da stav 2. člana 3. u kojem je navedeno da Dom zdravlja može od Bolnice zatražiti i dodatne akte vezano za provedbu ovog Ugovora, da je to predviđeno kao mogućnost i to samo ukoliko bi organi koji imaju pravo da vrše kontrolu i nadzor dan radom i poslovanjem ustanove (uključujući Ured za reviziju, inspeksijske organe i sl.) tražili dodatnu dokumentaciju vezano za realizaciju ovog ugovora.

Međutim, nakon navedenog obrazloženja, JU Kantonalna bolnica Zenica, je dana 24.06.2025. godine, ponovo vratila nepotpisan Ugovor o nabavci zdravstvenih usluga, navodeći gotovo iste razloge za nepotpisivanje, kao i u aktu br. 01-11-3644/25 od 30.05.2025. godine, primljenom 02.06.2025. godine.

U toku naprijed navedene prepiske između JU Kantonalna bolnica Zenica i JU Dom zdravlja Zavidovići, dana 23.06.2025. godine, prestala je da važi ponuda JU Kantonalna bolnica Zenica, u kojem periodu ponuđač nije prihvatio da zaključi ponuđeni ugovor o nabavci zdravstvenih usluga.

Član 69. Zakona o javnim nabavkama Bosne i Hercegovine („Službeni glasnik Bosne i Hercegovine“, broj: 39/14, 59/22 i 50/24), propisuje:

„(1) Postupak javne nabavke može se okončati:

- a) zaključenjem ugovora o javnoj nabavci ili okvirnog sporazuma; ili
- b) poništenjem postupka javne nabavke.“

U provedenom postupku nabavke zdravstvenih usluga za JU «Dom zdravlja» Zavidovići, ne postoji drugorangirani ponuđač, stoga ugovorni organ nema druge opcije nego da poništi postupak nabavke.

Obzirom na naprijed utvrđeno činjenično stanje odlučeno je kao u dispozitivu Odluke.

PRAVNA POUKA: Protiv ove odluke može se izjaviti žalba u roku od 10 dana od dana prijema ove odluke.

Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka, uz dokaz iz člana 105. stav (1) tačka i) Zakona o javnim nabavkama, o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

DOSTAVLJENO:

- 1. JU Kantonalna bolnica Zenica,
- 2. a/a.



**PREDSJEDNIK
UPRAVNOG DBORA:**
Mehić Elvir, dipl. pravnik

